

永平府志卷之十三

萊陽宋 琬撰次

府學訓導徐 香叅訂

蕭山張朝琮續纂

盧龍教諭胡仁濟校輯

后妃

燕之諸王多娶段氏立后者四跡其事與燕相終始契丹之代耶律與蕭世為甥舅此所謂昏于貴族猶有王姬紀姜之遺意也段國令支已登于書其女亦當附載而遼之宣懿相傳生于灤州故並列焉至于白華之刺青蠅之悲自古歎之何獨燕遼諸后哉

永平府志

卷之十三

一

燕主垂前后段氏

晉書不立傳今采史文補之

才高性烈垂為吳王時

段氏自以貴姓不尊事可足渾后后銜之燕主雋素不快于垂中常侍涅浩因希旨告段氏及吳國典書令遼東高弼為巫蠱欲以連汗垂雋收段氏及弼下大長秋廷尉考驗段氏及弼志氣確然終無撓詞掠治日急垂愍之使人謂段氏曰人生會當一死何堪楚毒如此不若引服段氏歎曰吾豈畏死者耶若自誣以惡逆上辱祖宗下累于王故不為也辯答益明故垂得免禍而段氏竟死獄中出垂為平州刺史鎮遼東垂以段氏女弟元妃為繼室及垂即

位建興三年追謚成昭皇后

後后段氏字元妃右光祿大夫儀之女也少而婉慧有志操常謂妹季妃曰我終不作凡人妻季妃亦曰妹亦不爲庸夫婦鄰人聞而笑之垂之稱燕王納元妃爲繼室遂有殊寵范陽王德亦娉季妃焉垂旣僭位拜爲皇后垂將立子寶爲太子元妃諫曰太子姿質雍容柔而不斷承平則爲仁明之主處難則非濟世之雄陛下託之以大業妾未見克昌之美遠西高陽二王陛下兒之賢者宜擇一以樹之趙王麟奸詐負氣常有輕太子之心陛下一旦不諱必

永平府志

卷之十三

二

有難作此陛下家事宜深圖之垂不納寶及麟聞之深以爲恨其後元妃又言之垂曰汝欲使我爲晉獻公乎元妃泣而退告季妃曰太子不令群下所知而主上比吾爲驪戎之女何其苦哉主上百年之後太子必亡社稷范陽王有非常器度若燕祚未終其在王乎垂死寶嗣位遣麟逼元妃曰后常謂主上不能嗣守大統今竟何如宜早自裁以全段氏妃怒曰汝兄弟尚逼殺母安能保守社稷吾豈惜死念國滅不久耳遂自殺寶議以元妃謀廢嫡統無母后之道不宜成喪群下咸以爲然中書令眭邃大言于朝

曰子無廢母之義漢之安思閻后親廢順帝猶配饗安皇
先后言虛實尚未可知宜依閻后故事實從之其後麟果
作亂寶亦被殺德復僭稱尊號終如元妃之言

南燕主德后段氏元妃之妹也建平元年冬立爲皇后德
無子夢父命早立超爲太子未立疾瞶不能言段后大呼
曰令召中書作詔立超可乎德開目領之乃立超爲太子
超嗣位尊段后爲皇太后以慕容鍾錄尚書事法爲征南
都督封嵩段宏爲尚書左右僕射超引所親公孫五樓爲
心腹出鍾宏爲青徐二州刺史鍾宏心不自安法亦懼遂
永平府志

卷之十三

三

與鍾宏謀反超徵鍾不赴遂收其黨散騎常侍段豐殺之
有告封嵩數與法往來疑有姦超收嵩下廷尉太后懼泣
告超曰嵩數遣黃門令牟常說吾云帝非太后所生恐依
永康故事我婦人識淺恐帝見殺卽以語法法爲謀見誤
知復何言超乃車裂嵩于東門外遣慕容昱等攻宏于徐
州昱拔莒城宏奔魏太后不知所終

南燕主超母段氏德兄北海王納之妻也納從燕主暉入
秦爲廣武太守數歲去官與母公孫氏家于張掖德從秦
王南征留金刀與母別及垂起兵山東張掖太守苻昌收

納及德諸子誅之母公孫氏以耄獲免納妻段氏方娠未
決郡獄掾呼延平德故吏也嘗宥其死罪乃竊公孫氏及
段氏逃于羗中而生超年十歲公孫氏臨卒授以金刀曰
若天下太平汝得東歸可以此刀還汝叔也平又將超母
子奔涼及呂隆降姚秦超又隨涼州人徙長安平卒段氏
謂超曰吾母子全濟呼延氏之力乎今雖死吾欲爲汝納
其女以報之乃爲超娶之超恐見錄于姚氏乃陽狂行乞
往來長安間德聞遣人尋之超不敢告母妻變姓名潛歸
見德呈金刀遂立爲太子嗣位求母妻于秦秦主興以昔
永平府志

卷之十三

四

符氏大樂諸伎悉入燕要以稱藩送妓乃許超遂北面受
詔送大樂百二十人與乃還其母妻厚資禮而遣之超尊
段氏爲皇太后劉裕克廣固執超數其不降超神色自若
一無所言惟以母托劉敬宣超斬于建康不知母所終

後魏高宗乳母常氏遼西人太延中以事入宮世祖選乳
高宗慈和履順有劬勞保護之功高宗卽位尊爲保太后
尋爲皇太后謁於郊廟和平元年崩詔天下大臨三日謚
曰昭塋于廣寧磨笄山俗謂之鳴鷄山太后遺志也依惠
太后故事別立寢廟置守陵二百家樹碑頌德

遼道宗宣懿皇后蕭氏小字觀音懿哀皇后弟樞密使惠
之女姿容冠絕工詩善談論自制歌詞尤善琵琶重熙中
帝王燕趙納為妃清寧初立為懿德皇后皇太叔重元妻
以艷冶自矜后見之戒曰為貴家婦何必如此后生太子
濬有專房寵好音樂伶官趙惟一得侍左右太康初宮婢
單登教坊朱頂鶴誣后與惟一私北院樞密使耶律乙辛
以聞詔乙辛與張孝傑劾狀因實其事族誅惟一賜后自
盡歸其屍於家乾統初追謚宣懿皇后合葬慶陵

道宗紀
太康元

年冬十一月辛酉皇后被誣賜死殺伶人趙惟一高長命
並籍其家屬

遠觀書殿學士王鼎焚椒錄載后幼能誦

永平府志

卷之十三

五

詩旁及經子及長安容端麗為蕭氏稱首既立為后常慕
唐徐賢妃行事每于宮御之夕進諫得失國俗君臣尚獵
故有四時捺鉢上既擯聖藻而尤長弓馬往往以國服先
驅所乘馬號飛電瞬息百里常馳入深林邃谷危從求之
不得后患之乃上疏諫曰妾聞穆王遠駕周德用衰太康
佚豫夏社幾危此游田之往戒帝王之龜鑑也頃見駕幸
秋山不閑六御特以卑騎從禽深入不測此雖威神所屆
萬靈自為擁護倘有絕群之獸果如東方所言則溝中之
豕必敗簡子之駕矣妾雖愚闇竊為社稷憂之惟陛下尊
老氏馳騁之戒用漢文吉行之旨不以其言為牝雞之晨
而納之又載樞密副使蕭惟信語乙辛孝傑曰懿德賢明
端重化行宮帳且誕育儲君為國大本此天下母也可以
叛家仇婢一語動搖之乎公等身為大臣亦當燭照奸宄
洗雪冤誣烹滅此輩以報國家以正國體奈何欣然以為
得其情也公等幸更為思之不

聽並當附錄以補史氏之闕

國朝

世祖章皇帝恪妃石氏明長沙副使維嶽孫女今吏部左侍郎申之女也長沙有楊姓雄于財曾奪鄧田結夙怨鄧女選爲楚藩妃楊恐賂王左右以妃染惡疾給王禁錮久之王偶見于後苑侍從以實奏命擇吉成禮楊更大恐時楚有支封王二素善楊楊就二王謀置醜享楚王王中毒入廁二王分執王手足楊扼其吭遂薨于廁未幾事漸露鄧妃鳴于官經十餘年終不得雪會維嶽蒞任鄧妃仍衰經素車控楊復屬二王賂維嶽黃金三千求寢訟維嶽逮饋金者於獄具狀封金上聞上怒勅同巡方御史崔呈秀會

勘崔受楊囑當詳鞫時目視維嶽且躡其足維嶽推案起曰此男女淫盜事吾不爲也崔怒曰石維嶽毋強項吾力能死汝悻悻然去維嶽不爲動竟直其事獄成置楊于磔二王大辟前承訊大吏論死者十有九人事畢鄧妃詣副使堂命左右扶維嶽坐再拜稽首曰賴公昭雪沈寃娶婦不能報公德願來世生公家以圖報焉妃生時聞空中有音樂聲疑爲鄧轉生云

封爵

古之封爵有二自漢晉以上皆食其本封有治國之
官有租賦之入有列侯就國之典南北朝以下始以
空名繫之故宇文周無北平而有以北平為公為侯
者石晉無北平而有以北平為王者于其地不相關
也特以志例存之而畧其行事焉古之為國有實封
故其地可考若但采其名則名之同者多矣北平有
郡而亦有縣郡在盧龍而縣在定州唐定州有北平縣永平
有路有府而亦有縣宋之縣在靖州崇寧中改渠陽為永平縣今

永平府志

卷之十三

七

之縣在永昌軍民府其孰從而辨之至若以昌黎封
王公伯如魏馮熙元遼宇文福之倫以龍城封侯如
高道穆以柳城封公如唐安祿山又皆境外之名無
庸贅之簡冊矣

漢

肥如侯蔡實

謚曰敬傳子戊孫奴無後國除

海陽侯搖毋餘

謚曰齊信傳子昭襄孫建曾孫省無後國除

晉

遼西公段務勿塵

有傳

燕

遼西王農

遼西公定

後立為太子

北燕 遼西公素弗

魏 遼西王馮崇

北平王長孫嵩

謚曰宣王子頽謚安王頽子敦謚簡王敦子道降為公謚曰慎道子悅復

王爵又降為公

北平王拔拔

子右文肱

北平王超

北平王馮風

一作風

北平王馮始興

遼西公意烈

永平府志

卷之十三

八

遼西公嬰文

遼西公賀賴盧

遼西公馮朗

遼西公常英

以太后兄賜爵追贈祖海遼西簡公父澄遼西憲王英李謚遼西平王

北平侯安國

肥如侯賀護

肥如侯馮燕

肥如子高育

朝鮮侯常泰

新昌子畢祖暉

新昌子孫紹

新昌男竇瑗

有傳瑗讓爵于其兄叔珍

北齊 北平王仁堅

北平男王峻

後周 北平公寇紹

北平侯和雄

隋 北平侯段文振

追封

唐 平王隆基

後為帝廟號玄宗 按此亦取平州之名然與本郡實不相關也

永平府志

卷之十三

九

北平郡王高開道

北平郡王武居常

北平郡王偕

北平郡王阿史那什鉢苾

北平郡王李過折

遼西王高交簡

後晉 北平郡王劉知遠

後為帝國號漢

遼 平王隆光

遼西郡王旅墳

遼史皇族表有遼西郡王驢糞未知即一人否

段田二傳

天下無事而尺土一民皆為郡縣及其有變而豪傑
爭起宰制一方夫亦其時然也段氏出徒何而國于
令支者五世田氏本盧龍而鎮魏博者五十年段為
有土之君而田氏又其地之人物皆史法所不當遺
也是以據晉唐二史錄之其不書慕容者何于龍城
于薊于鄴未嘗國于此也雖營州無志固不得越境
而收之矣

魏書徒何

晉書作徒河

段就六眷

晉書作疾陸眷

本出于遼西其伯祖

永平府志

卷之十三

十一

日陸眷因亂被賣為漁陽烏丸太庫辱官家奴諸大人集
會幽州皆持唾壺唯庫辱官獨無乃唾日陸眷口中日陸
眷因咽之西向拜天曰願使主君之智慧祿相盡移入我
腹中其後漁陽大饑庫辱官以日陸眷為健使將之詣遼
西逐食招誘亡叛遂至疆盛日陸眷死弟乞珍代立乞珍
死子務目塵代立晉書作務勿塵即就六眷父也據有遼西之地
而臣于晉其所統三萬餘家控弦上馬四五萬騎穆宗時
幽州刺史王浚以段氏數為已用深德之乃表封務目塵
為遼西公假大單于印綬浚使務目塵率萬餘騎伐石勒

於常山封龍山下大破之務目塵死就六眷立就六眷與弟匹磾從弟末波等

晉書作末杯

率五萬餘騎圍石勒于襄國

勒登城望之見將士皆釋仗寢臥無警備之意勒因其懈怠選募勇健穿城突出直衝末波生禽之置之座上與飲宴盡歡約為父子盟誓而遣之末波既得免就六眷等遂攝軍而還不復報浚歸于遼西自此以後末波常不敢南向洩焉人問其故末波曰吾父在南其感勒不害已也如此就六眷死其子幼弱匹磾與劉琨世子群奔喪匹磾陰卷甲而往欲殺其從叔羽鱗及末波而奪其國末波等知

永平府志

卷之十三

三

之遣軍逆擊匹磾劉群為末波所獲匹磾走還薊懼琨禽已請琨宴會因執而害之匹磾既殺劉琨與羽鱗末波自相攻擊部眾乖離欲擁其眾徙保上谷阻軍都之險以拒末波等晉文帝聞之陰嚴精騎將擊之匹磾恐懼南奔樂陵後石勒遣石虎擊段文鴛于樂陵破之生擒文鴛匹磾遂率其屬及諸塲壁降于石勒末波自稱幽州刺史屯遼西末波死國人立日陸眷弟護遼為主

晉書單作遼中間尚有末杯弟牙為

遼所殺烈帝時假護遼驃騎大將軍幽州刺史大單于北

平公弟鬱蘭撫軍將軍冀州刺史渤海公

晉書單作蘭

建國元

年石虎征護遼於遼西護遼奔平剛山遂投慕容晃

晉書作晃

晃殺之鬱蘭奔石虎虎以所徙鮮卑五千人配之使屯令支鬱蘭死子龕代之及冉閔之亂龕率衆南移遂據齊地慕容儁使弟玄恭

晉書作恪

帥衆伐龕於廣固執龕送之薊儁毒其目而殺之坑其徒三千餘人

晉書段匹磾東部鮮卑人種類勁健世爲大人父務勿塵遣軍助東海王越征討有功王浚表爲親晉王封遼西公嫁女與務勿塵以結鄰援懷帝卽位以務勿塵爲大單于匹磾爲左賢王率衆助國征討假撫軍大將軍務勿塵死永平府志

卷之十三

十三

弟涉復辰以務勿塵子疾陸眷襲號劉曜逼洛陽王浚遣督護王昌等率疾陸眷及弟文鴛從弟末杯攻石勒于襄國勒敗還壘末杯追入壘門爲勒所獲勒質末杯遣使求和於疾陸眷疾陸眷將許之文鴛諫曰受命討勒寧以末杯一人故縱成擒之寇旣失浚意且有後憂不可疾陸眷不聽以鎧馬二百五十匹金銀各一籠贖末杯勒歸之又厚以金寶綵絹報疾陸眷令文鴛與石虎同盟約爲兄弟遂引騎還昌等不能獨守亦還建武初匹磾推劉琨爲大都督結盟討勒并檄涉復辰疾陸眷末杯等三面俱集襄

國琨匹磾進屯固安以候衆軍勒懼遣間使厚賂末杯末杯既思勒舊恩且因匹磾在外欲襲奪其國乃間匹磾於涉復辰疾陸眷曰以父兄而從子弟邪雖一旦有功匹磾獨收之矣涉復辰等以爲然引軍而還匹磾亦止會疾陸眷死匹磾自薊奔喪至右北平末杯宣言匹磾將篡出軍擊敗之末杯遂害涉復辰及其子弟黨與二百餘人自立爲單于及王浚敗匹磾領幽州刺史劉琨自并州依之復與匹磾結盟俱討石勒匹磾復爲末杯所敗士衆離散懼琨圖已遂害之於是晉人離散匹磾不能自固北依邵續

末杯又攻敗之匹磾被創謂續曰吾夷狄慕義以至破家君若不忘舊要與吾進討君之惠也續曰賴公威德續得效節今公有難豈敢不俱遂併力追末杯斬獲畧盡又令文鴛北討末杯弟於薊城及還去城八十里聞續已沒衆懼而散復爲石虎所遮文鴛以親兵數百人力戰破之始得入城虎復抄城下文鴛欲出擊之匹磾不許文鴛曰我以勇聞故百姓仗我見人被畧而不救非丈夫也遂將壯士數十騎出戰殺口甚多遇馬乏伏不能起虎呼曰大兄與我俱是戎狄久望共同天不違願今日相見何故復戰

請釋仗文鴛罵曰汝爲寇虐久應合死吾兄不用吾計令
汝至此吾寧死不爲汝擒遂下馬苦戰槊折執刀力戰不
已虎軍四面解馬羅披自障前捉文鴛文鴛戰自辰至申
力極而後被執城內大懼匹磾欲單騎歸朝續弟樂安內
史洎勒兵不許洎復欲執臺使王英送于虎匹磾正色責
之曰卿不能遵兄之志逼吾不得歸朝亦已甚矣復欲執
天子使者我雖胡夷所未聞也因謂英曰匹磾世受重恩
不忘忠孝今日事逼欲歸罪朝廷而見逼迫忠款不遂若
得假息未死之日心不忘本遂渡黃河南匹磾着朝服持
永平府志

卷之十三

十五

節賓從出見虎曰我受國恩志在滅汝不幸吾國自亂以
至于此旣不能死亦不能爲汝敬也勒及虎素與匹磾結
爲兄弟虎起而拜之匹磾到襄國又不爲勒禮常着朝服
持晉節經年國中謀推匹磾爲主事露被害文鴛亦遇鳩
而死惟末杯存焉及死弟牙立牙死其後從祖疾陸眷之
孫遼自立自務勿塵已後值晉喪亂自稱位號據有遼西
之地而臣御晉人其地西盡幽州東界遼水所統胡晉可
三萬餘家控弦可四五萬騎而與石虎遞相侵掠連兵不
息竟爲虎所破徙其遺黎數萬家於司雍之地其子蘭復

聚兵與虎爲患久之及石氏之亡末波之子勤鳩集胡羯得萬餘人保在人山自稱趙王附于慕容儁俄爲冉閔所敗徙于繹幕儁卽尊號儁遣慕容恪擊之勤懼而降

唐書田承嗣字承嗣平州盧龍人世事盧龍軍以豪俠聞隸安祿山麾下破奚契丹累功至武衛將軍祿山反與張忠志爲賊前驅陷河洛嘗大雪祿山按行諸屯至其營若無人已而環甲列卒關所籍不缺一人祿山異其能使守潁川郭子儀平東都承嗣以郡降俄而復叛安慶緒奔鄴承嗣自潁川來與蔡希德武令珣合兵六萬慶緒復振抗

永平府志

卷之十三

十六

王師歲餘史思明亂承嗣又爲賊導及朝義敗與共保莫州僕固瑒追北承嗣急乃詐朝義身自求救幽州承嗣守莫因執賊妻息降于瑒厚以金帛反間瑒將士瑒慮下生變卽約降承嗣詎疾不出瑒乃馳入取之承嗣列千刀爲備瑒不得志承嗣重賂之以免乃與張忠志李懷仙薛嵩皆詣僕固懷恩謝願備行間朝廷以二賊繼亂州縣殘析數大赦凡爲賊誑誤一切不問當是時懷恩功高亦恐賊平則任不重因建白承嗣等分帥河北賜鐵券誓不死拜承嗣莫州刺史五遷至貝博滄瀛等州節度使檢校太尉

承嗣沈猜陰賊不習禮義旣得志卽計戶口重賦歛厲兵力者萬人號牙兵自署置官吏圖版稅入皆私有之又求兼宰相代宗以寇亂南平多所舍宥因就加同中書門下平章事封鴈門郡王寵其軍曰天雄以魏州爲大都督府卽授長史詔子華尚永樂公主冀結其心而性資凶詭愈不遜大曆八年相衛薛嵩死弟寧求假節牙將裴志清逐寧寧以衆歸承嗣而帝自用李承昭爲相州刺史未至承嗣使人誅吏士反陽言救實襲取之帝遣使者諭罷兵承

夫李^三督諸節度并力承嗣遣裴志清等攻冀州志清以兵附成德承嗣悉衆圍之爲寶臣所逐火輜重歸于貝計益窮不知所出遣其下郝光朝奉表請委身北闕下又使悅與盧子期將萬人攻磁州屯東山宣慰使韓朝彩等固守兼訓以萬騎屯西山成德幽州各遣兵救磁時承昭以神策射生繼進入河東壘諸軍進討數有功頗顧賞天子使中人多出御服良馬黃白金萬計勞資使人供帳高會諸軍少懈而正已寶臣二軍會棗彊更相見會正已軍輒引去忠臣乃棄月壘濟河屯陽武承昭使成德幽州兵循

東山襲子期軍自閉壁以驕賊子期分步騎萬人環承昭壁以兵四千乘高望麾而進河東將劉文英辛忠臣等決戰而成德幽州兵繞出子期後於是圍解更陣高原諸將與承昭夾攻大戰臨水賊敗屍旁午數里斬九千級馬千匹執子期及將士二千三百旗纛器甲鼓角二十萬諸軍乘勝進距磁十里暮而舍承昭舉燧朝彩出銳兵鼓譟薄魏營斬首五百悅驚率餘兵夜走盡棄旗幕鎧仗五千乘成德將王武俊以子期歸寶臣寶臣方攻洛州因以示城下降之復徇瀛州瀛州亦降得兵萬人粟二十萬石獻子

期京師斬之天子遣中人勞寶臣不爲禮寶臣乃貳反攻
朱滔與承嗣和承嗣與之滄州正巳又請天子許承嗣入
朝十一年帝遣諫議大夫杜亞持節至魏受其降許闔門
還京師赦魏博所管與更始承嗣逗留不至其秋復略滑
州敗李勉兵會李靈耀以汴州叛詔忠臣勉河陽馬燧合
討靈耀求救於魏承嗣使悅將兵三萬赴之敗勉將杜如
江正巳將尹伯良死者殆半乘勝屯汴北郭與靈耀合燧
忠臣逆擊破之悅脫身遁斬獲數萬靈耀東走欲歸承嗣
爲如江所禽并魏將常準獻京師明年承嗣上書請罪有
永平府志

卷之十三

十九

詔復官爵子弟皆仍故官復賜鐵券承嗣盜有貝博魏衛
相磁洛七州而未嘗北面天子凡再興師會國威中奪窮
而復縱故承嗣得肆姦無怖忌十四年死年七十有五贈
太保

悅蚤孤母更嫁平盧戍卒悅隨母轉側淄青間承嗣得魏
訪獲之年十三拜伏有禮承嗣異之委以號令裁處皆與
承嗣意合及長剽悍善鬪冠軍中賊忍狙詐外飾行義輕
財重施以鉤美譽人皆附之承嗣愛其才將死顧諸子弱
乃命悅知節度事令諸子佐之帝因詔悅自中軍兵馬使

府左司馬擢留後俄檢校工部尚書爲節度使悅招致賢才開館宇禮天下士外示恭順陰濟其姦帝晚年尤寬弛悅所奏請無不從德宗立不假借方鎮諸將稍惕息會黜陟使洪經綸至河北聞悅養士七萬輒下符罷其四萬歸田畝悅卽奉命因大集將士以好言激之曰而等籍軍中久仰縑廩養父母妻子今罷去何恃而生衆大哭悅乃悉出家貲給之各令還部自此魏人德悅及劉晏死藩帥益懼又傳言帝且東封泰山李勉遂城汴州而李正己懼率兵萬人屯曹州乃遣人說悅同叛悅因與梁從義等阻兵永平府志

卷之十三

二十

東破盧曠戰雙岡禽賊大將盧子昌殺朝光悅遁保洹水
燧等距悅軍三十里築壘相望悅與納合兵三萬陣洹水
燧引神策將李晟夾攻悅悅大敗死傷二萬計引壯騎數
十夜奔魏其將李長春拒關不納以瀕官軍而三帥頓兵
不進明日悅得入殺長春持佩刀立軍門流涕曰悅藉伯
父餘業與君等同休戚今敗亡及此不敢圖全然悅久稽
天誅者特以淄青恒冀子弟不得承襲旣弗能報乃至用
兵使士民塗炭悅正緣母老不能自剄願公等斬悅首以
取富貴無庸俱死乃自投于地衆憐皆抱持之曰今士馬

之衆尚可一戰事脫不濟死生以之悅收泪曰諸公不以
悅喪敗誓同存亡縱身先地下敢忘厚意乎乃斷髮爲誓
將士亦斷髮約爲兄弟乃索富民大家財及府庫所有大
行賜與而李再春及其子瑤以博州降悅從兄昂以洛州
降燧等受之悅皆族昂等家後十餘日燧等始進薄城下
未幾王武俊殺惟岳而深州降朱滔滔分兵守之天子授
武俊恒州刺史以康日知爲深趙二州觀察使武俊恨賞
薄滔怨不得深州悅知二將可閫乃僨路使王侑許士則
說滔曰司徒奉詔討賊不十日拔東鹿下深州惟岳勢蹙

故王大夫能得逆首聞出幽州日有詔破惟岳得其地卽
隸麾下今乃以涿州與康日知是朝廷不信于公也且上
英武獨斷將誅豪傑掃除河朔不使父子相襲又功臣劉
晏等皆旋踵破滅殺梁崇義誅其口三百餘血丹漢江今
日破魏則取燕趙如牽轆下馬耳夫魏博全則燕趙安鄙
州尚書必以死報德且合從連衡救災恤患不朽之業也
尚書願上貝州以廣湯沐使侑等奉簿最孔目司徒朝至
魏則夕入貝惟熟計之潛心素欲得貝大喜使侑先還告
師期先是詔武俊出恒冀粟三十萬賜潛使還幽州以突
永平府志

卷之十三

三

騎五百助燧軍武俊懼悅破將起師北伐不肯歸粟馬潛
因使王郢說武俊曰天子以君善戰天下無前故分散粟
馬以弱君軍今若舉魏博則王師北向漳滏勢危誠能連
營南旆解田悅于倒縣大夫之利也豈特粟不出窖馬不
離廄又有排危之義聲滿天下大夫親斷逆首血襪衣袖
日知不出趙城何功于國而坐兼二州河北士以不得涿
州爲大夫耻武俊旣得涿亦喜卽日使使報潛於是潛率
兵二萬屯寧晉武俊以兵萬五千會之悅恃救至使康愔
督兵與王師戰御河上大敗棄甲走城悅怒閉門不納蹈

籍死塹中者甚衆其夏滔武俊罕至悅具牛酒迎犒燧等
營魏河西武俊滔悅壁河東起樓櫓營中兩軍相持自秋
汜冬燧遣晟以兵三千自邢趙與張孝忠合攻涿莫二州
以絕幽薊路悅重德滔欲推爲盟主而臣之滔不敢當乃
更議如七國故事悅國號魏僭稱魏王以府爲大名府署
子爲府留後以扈寧爲留守許士則爲司武曾穆司文裴
抗司禮封演司刑並爲侍郎劉士素爲內史舍人張瑜孫
光佐爲給事中邢曹俊孟希祐爲左右僕射田晁高緬爲
征西節度使蔡濟薛有倫爲虎牙將軍高崇節知軍前兵
永平府志

卷之十三

馬夏侯頴爲兵馬使晁以兵數千助李綱守鄆明年夏滔
屯河間留大將馬寔以兵萬人戍魏會朱泚亂帝出奉天
燧還太原武俊等皆罷悅餞之厚遺武俊寔官屬皆有贈
與元元年滔自將兵欲南渡河助泚使王郅見悅約濟河
合勢以取大梁是時悅聞天子已赦罪後官爵心不欲行
重遽絕滔陽遣薛有倫報滔如約滔大喜復使舍人李瑄
申固所言先是武俊陰約悅背滔使相望及聞滔要悅西
使田秀馳說悅曰聞大王欲從滔渡河爲泚犄角非也方
泚未盜京師時滔爲列國且自高如得東都與泚連禍兵

多勢張返制于豎子乎今日天子復官赦罪乃王臣豈捨
天子而北面滔泚耶願大王閉壘不出武俊須昭義軍出
爲王討之悅因秀還具道其謀而遣魯穆報滔滔喜自河
間悉師而南踰貝州次清河使人報悅悅不至進屯永濟
使王郢等督之曰王約出館陶與大王會乃濟河悅良久
曰始約從王今舉軍持悅曰魏比因侵掠供餼屈竭以悅
日拊循猶恐攜間一日去城邑朝出夕變且何歸不然悅
不敢背約今遣孟希祐悉兵五千助王因使其屬裴抗盧
南使報命滔怒罵曰逆鹵前日求救許我貝州我不取尊

永平府志

卷之十三

三

我爲天子我與同爲王教我遠來而不出是賊不擊尚何
諒乃因抗等使馬寔取數縣已而釋抗還之悅兵不敢出
遂圍貝州滔取武城通德棧供軍饋盡囚諸官吏唯清陽
不下滔圍之寔拔清平殺五百人俘男女貲財去于是李
抱真武俊約出兵救魏會有詔拜悅檢校尚書右僕射封
濟陽郡王而給事中孔巢父持節宣勞始悅阻兵凡四年
狂悞少謀亟戰數北死者什八士苦之且厭兵旣巢父至
莫不欣然悅與巢父張飲門階皆徹齋至夜分從弟緒與
族人私語曰僕射安起兵幾赤吾族以金帛厚天下而不

主兄弟或諫止之緒怒殺諫者乃與左石踰垣入悅方醉寢酣緒挺刃升堂二弟諫止緒斬之因于刺悅并殺其母妻悅死年三十四比明以悅命召許士則蔡濟計事皆殺之

緒字緒承嗣第六子悅待諸弟無所間使緒主牙軍而凶險多過常笞勗之悅于飲食衣服儉嗇有節緒常苦不足頗怨望故作難悅既死懼衆不附以其徒數百將出奔邢曹俊率衆追還緒乃下令軍中曰我先王子能立我者賞衆乃共推緒爲留後歸罪扈寧斬其首以徇復殺悅親信

永平府志

卷之十三

三

薛有倫等數十人因巢父遣使者聽命天子滔聞悅死以兵五千合寔軍進攻魏州寔瀕王莽河壁南距河東抵博州殺畧甚衆使人入魏招緒降緒新篡而寔圍且急乃遣使以好言見滔滔許與盟會穆勸緒絕滔而緒部分亦定乃乘城戰武俊抱真各修好如悅時詔卽拜緒節度使寔圍魏凡三月滔敗走貞元元年以嘉誠公主降緒拜駙馬都尉李希烈平以功賜一子八品官緒猜忌殺兄弟姊妹凡數人兄朝仕李納爲齊州刺史或言納將入之魏以代緒緒厚賂納且召朝朝以死請不行乃送之京師過滑緒

將篡取之賈耽以兵援接乃免累遷檢校尚書左僕射常
山郡王又徙王鴈門實封五百戶加同中書門下平章事
暴疾死年三十三贈司空少子季安嗣

季安字夔母微賤公主命爲己子寵冠諸兄數歲爲左衛
胄曹叅軍節度副使緒死時年十五匿喪觀變軍中推爲
留後因授節度使除喪加檢校尚書右僕射進位檢校司
空俄同中書門下平章事季安畏主之嚴頗循禮法及主
薨始自恣擊鞠從禽酣嗜欲軍中事率意輕重官屬進諫
皆不納會詔中尉吐突承璀以神策兵討王承宗季安謀
永平府志

卷之十三

三

日王師不跨河二十五年今越魏伐趙趙誠鹵魏亦鹵矣
奈何或請以五千騎決除君憂季安曰善沮軍者斬時幽
州劉濟將譚忠適使魏聞之入見季安曰往年王師取蜀
取吳筭不失一是宰相謀也今伐趙不使者臣宿將而付
中臣不起天下甲而出秦甲君知誰爲之謀此上自爲謀
以夸服臣下若師未叩趙而先碎于魏是上之謀不及下
豈能不耻旣耻且怒必任智畫仗猛將再舉涉河鑿前之
敗必不越魏誅趙校罪輕重必不先趙後魏是上不上下
不下當魏而來也季安曰計安出忠曰王師入魏君厚犒

之悉甲伐趙而陰遺趙書曰魏若伐趙爲賣友魏若與趙爲反君賣友反君魏不忍受執事能弛陴鄣遺一城魏得持之獻捷天子以爲符此使魏北得以奉趙西得以爲臣不世之利也趙不拒君則魏安矣季安然之遣大將率兵會王師伐承宗糧餉自辦取堂陽以報加太子太保有丘絳者父時賓佐與同府侯臧爭權季安怒斥爲下縣尉俄召還先坎道左旣至生瘞之恐酷無忌憚大抵如此死年三十二贈太尉妻元誼女召諸將立其子懷諫最幼不能事政決于私奴蔣士則數易置諸將軍中怒推田興爲留

後以懷諫歸鄉殺士則等十餘人季安旣歿送懷諫京師授右監門衛將軍寵錫蕃渥緒弟縉華顯于朝縉字雲長貞元十年入朝授左驍衛將軍封扶風郡公元和中拜夏綏銀節度使始開元時置宥州扼寇路久而廢縉復城之王師伐蔡縉上橐它牛馬助軍吐蕃寇豐州縉設伏邀其歸俘斬過當入爲左衛大將軍李聽代之聽劾縉盜沒軍糧四萬斛彊取羌人羊馬故吐蕃得乘隙貶衡王傳俄而吐蕃又攻鹽州貶房州司馬長慶初終左領軍衛將軍華太常少卿尚永樂新都二公主田氏自承嗣至懷諫四世

凡四十九年

弘正字安道父廷玠尚儒學不樂軍旅與承嗣爲從昆弟
仕爲平舒丞遷樂壽清池東城河間四縣令以治稱遷滄
州刺史李寶臣朱滔與承嗣不協合兵圍滄州廷玠固守
連年食雖盡無叛者朝廷嘉其節徙相州承嗣盜磁相廷
玠無所回染及悅代立忌廷玠之正召爲節度副使廷玠
至讓悅曰而承伯父緒業當守朝廷法度以保富貴何苦
與恒鄆爲叛臣自兵興來叛天子能完宗族者誰邪而志
不悛盍殺我無令我見田氏血汚人刀也遂稱疾不出悅

永平府志

卷之十三

三

過謝之杜門不納憤而卒弘正幼通兵法善騎射承嗣愛
之以爲必興吾宗名之曰興季安時爲衙內兵馬使同節
度副使封沂國公季安侈汰銳殺罰弘正從容規切軍中
賴之翕然歸重季安內忌出爲臨清鎮將欲因罪誅之弘
正陽痺痼臥家不出乃免季安死子懷諫襲節度召還舊
職懷諫委政于家奴蔣士則措置不平衆怒咸曰兵馬使
吾帥也牙兵卽詣其家迎之弘正拒不納衆譁于門弘正
出衆拜之脅還府弘正頓于地度不免卽令于軍曰爾屬
不以吾不肖使王軍今與公等利能聽命否皆曰惟公命

因曰吾欲守天子法舉六州版籍籍相請吏于朝苟天子未命
敢有請吾旂節者死殺人及掠人者死皆曰諾遂到府殺
士則及支黨十餘人於是圖魏博相衛貝瀆之地籍其人
以獻不敢署僚屬而待王官先時諸將出屯質妻子里民
不得相往來弘正悉除其禁聽民通饋謝慶吊服玩僭侈
者卽日撤毀之承嗣時正寢華顯弘正避不敢居更就採
訪使堂皇聽事幽恒鄆蔡大懼遣客鑄說鉤染弘正皆拒
遣之憲宗美其誠詔檢校工部尚書充魏博節度使又遣
司封郎中知制誥裴度宣慰賚其軍錢五百萬緡六州民
永平府志

卷之十三

二十九

給復一年赦見囚存問高年惇獨廢疾不能自存者度明
辯具陳朝廷厚意弘正不覺自失乃深相結納奉上益謹
復請度徧行其部宣示天子恩詔因令節度僉謀布衣崔
權奉表陳謝且言天寶以來山東與壤化爲戎墟官封世
襲刑賞自出國家含垢垂六十年臣若假天之齡奉陛下
宸筭冀道揚太和洗濯僞風然後退歸丘園避賢者路死
不恨制詔褒答且賜今名錫與踵塗天子討蔡弘正遣子
布以兵三千進戰數有功李師道疑其襲已不敢顯助蔡
故元濟失援王師得致誅焉王承宗叛詔弘正以全師壓

境破其衆南宮承宗懼窮歸于弘正弘正表諸朝遂獻德
棣二州以謝納二子爲質俄而李師道拒命詔弘正與宣
武等五節度兵進討弘正自楊劉渡河距鄆四十里堅壁
師道大將劉悟率精兵屯河東戰陽穀再遇再北斬萬餘
級賊勢蹙悟乃反兵斬師道首詣弘正降取十有二州以
獻初悟旣平賊大張飲軍中凡三日設角觝戲引魏博使
至廷以爲歡悟盱衡攘臂助其決坐中皆憚悟勇客有白
弘正者弘正曰鄆士疲於戰瘡者未起悟當卹亡弔之慰
士大夫心奈何取快目前耶吾奉詔按軍何悟去就今知
永平府志

卷之十三

三

其無能爲也旣而詔悟爲義成軍節度使狼狽上道時稱
知悟之明以功加弘正檢校司徒同中書門下平章事是
歲來朝對麟德殿眷勞殊等引見僚佐將校二百餘人皆
有頒賜進兼侍中實封戶三百擢其兄融爲太子賓客東
都留司弘正數上表固請留闕下帝勞曰昨韓弘以疾辭
不就軍朕旣從之矣今卿復爾我不應違但魏人樂卿之
政四鄰畏卿之威爲朕長城又安用辭弘正遂還常欲變
山東承襲舊風故悉遣子姓仕朝廷帝皆擢任之朱紫滿
門榮冠當時穆宗立王元以成德軍請帥帝詔弘正兼

中書令爲節度使弘正以新與鎮人戰有父兄怨取魏兵三千自衛入其軍時天子賜錢一百萬緡不時至軍有怨言弘正親加撫諭乃安仍請留魏兵爲紀綱以持衆心度支崔俊吝其廩沮郤之長慶元年七月歸衛卒於魏是月軍亂并家屬將吏三百餘人皆遇害年五十八帝聞震悼冊贈太尉謚曰忠愍弘正幼孤事融甚謹軍中嘗分曹習射弘正注矢聯中融退怒扶之故當季安猜暴時能自全及爲軍中推迫融不悅曰爾竟不自晦取禍之道也朝廷知其友愛詔拜相州刺史賜金紫弘正性忠孝好功名起

樓聚書萬餘卷通春秋左氏與賓屬講論終日客爲著沂公史例行于世弘正子布群牟布字敦禮幼機悟弘正戍臨清布知季安且危密白父請以衆歸朝弘正竒之及得魏使布總親兵王師誅蔡以軍謀嚴綬屯唐州帝以布大臣子或有罪且撓法弘正請以董曉而而士卒愛布願留帝乃止凡十八戰破陵雲柵下鄆城以功授御史中丞裴度輕出觀兵沱口賊將董重質以竒兵掩擊布伏騎數百突出薄之諸軍繼至賊驚引還蔡平人爲左金吾衛將軍諫官嘗論事帝前同列將麾郤之布止曰使天子容直臣

毋輕進弘正徙成德以布爲河陽節度使父子同日受命
時韓弘與子公武亦皆領節度而天下以忠義多田氏布
所至必省冗將募戰卒寬賦勸糴人皆安之長慶初徙涇
原弘正遇害魏博節度使李愬病不能軍公卿議以魏彊
而鎮弱且魏人素德弘正以布之賢而世其官可以成功
穆宗遽召布解纓拜檢校工部尚書魏博節度使乘傳以
行布號泣固辭不聽乃出伎樂與妻子賓客訣曰吾不還
矣未至魏三十里跣行披髮號哭而入居堊室屏節旄凡
將士老者兄事之祿奉月百萬一不入私門又發家錢十
永平府志

卷之十三

三

餘萬緡頒士卒以牙將史憲誠出麾下可任乃委以精銳
時中人屢趣戰而度支饋餉不繼布輒以六州租賦給軍
引兵三萬進屯南宮破賊二壘於是朱克融據幽州與王
廷湊脣齒河朔三鎮舊連衡桀驁自私而憲誠蓄異志陰
欲乘釁又魏軍驕憚格戰會大雪師寒糧乏軍中謗曰它
日用兵團粒米盡仰朝廷今六州刮肉與鎮冀角死生雖
尚書瘠已肥國魏人何罪憲誠得聞因以搖亂會有詔分
布軍合李光顏救潁州兵怒不肯東衆遂潰皆歸憲誠唯
中軍不動布以中軍還魏明日會諸將議事衆譁曰公能

行河朔舊事則生死從公不然之可以鞏布度衆且亂嘆曰功無成矣卽爲書謝帝曰臣觀衆意終且負國臣無功不敢忘死願速救元翼毋使忠臣義士塗炭于河朔哭授其從事李石訖乃入至几筵引刀刺心曰上以謝君父下以示三軍言訖而絕年三十八贈尚書右僕射謚曰孝子鑑宣宗時歷銀州刺史坐以私鑿易邊馬論死宰相崔鉉奏布死節於國可貸鑑以勸忠烈故貶爲州司馬群會昌中歷蔡州刺史坐贓且抵死兄肇聞之不食卒宰相李德裕奏漢河間人尹次潁川人史玉坐殺人當死次兄初玉永平府志

卷之十三

三三

毋渾詣官請代因縊物故於時皆赦其罪於是武宗詔減死一等牟寬厚明吏治爲神策大將軍開成初鹽州刺史王宰失羗人之和詔牟代之累遷鄜坊節度使再徙天平三爲武寧一爲靈武軍官至檢校尚書左僕射卒諸子皆有方面功以忠義爲當世所高

